

近期山埃消息特別



我芝芝姐返嚟啦，由9月尾到巴黎打個轉，本來諗住趁國慶假期玩個零星期，點知樂不思蜀，一玩就係兩個幾禮拜。返到嚟，見個姊妹迪比寫得咁過癮，咪由佢繼續玩落去囉，但迪比話要放假，惟有自己玩番啦！兩個幾禮拜嚟巴黎，最Happy嘅，當然係呢度去，囉度去，特別係啲外圍地方，更加有田園風味，只可惜天氣麻麻。

BEN 哥話時富貴


臨走前落定單嘍 0.70 元之下撻番啲時富 (1049)，由9月尾到依家，已經走咗兩轉。最近問過阿 Ben，佢話依家個價覺得貴嗎，佢話納咗層海景雅景台翻嚟，就唔好咁博啦。其實阿 Ben 呢排亦靜咗好多，雖然係9月尾去完新宿之

後，又走咗去美國一轉，最近更加係北京返落嚟，但係就乜都冇嘢搞，原來早排佢翻番老拍檔墨鏡隻愛股中建電訊 (138)，但依家情況一樣，都係冇乜料到，大家唔靜，梗係覺得啲嘢咁好價，沽長啲，等平番先再買過啦！眾兄弟姐妹，大家小心啲啦！

一個消息炒一日

其實呢排好多山埃，好似隻 Goldron (524) 同建聯 (385) 咁，大家就利用啦佢哋近排批股批咗啲俾 Sunday 嘅主席嘅消息，話 Sunday 會借殼上市，但結果係點，Goldron 上個禮拜再 placing 之後，已經冇力再炒上去，就知情況係點。前晚芝芝又聽到條料，話恆鋒 (185) 會嘍禮拜三爆料，有人買佢。睇個價，只係炒一日就回頭，真係慳水慳力！呢

時富投資股價走勢



種表現，就知道依家班人係點玩法。

中富 (1191) 最近又賣咗啲 Outblaze 俾光通信，但股價冇反應，嚟料話下個禮拜一嘅業績好靚，但價錢表現，就唔敢恭維，或者好似阿 Ben 所講，呢排啲嘢真係貴咗！

芝芝